

3. gr.

Náttúruverndarráð boðar til þings, undirbýr dagskrá þess og leggur fyrir það skýrslu um störf sín. Formaður ráðsins setur þingið og stýrir því, uns það hefur kosið forseta. Þingið setur sér þingsköp.

Seta á Náttúruverndarþingi er ólaunuð, en hlutaðeigandi aðilar greiða kostnað fulltrúa. Annar nauðsynlegur kostnaður af þinghaldinu greiðist úr ríkissjóði samkvæmt úrskurði ráðherra.

4. gr.

Náttúruverndarráð er skipað sjö mönnum. Sex þeirra kys Náttúruverndarþing óbundinni kosningu, að undanskildum fulltrúum í 6. lið 2. gr. Hinn sjöunda skipar umhverfissráðherra, áður en kosning fer fram, og er hann formaður ráðsins. Varamenn skulu valdir jafnmargir á sama hátt til sama tíma.

5. gr.

Reglugerð þessi er sett samkvæmt 4. gr. laga nr. 47/1971 um náttúruvernd og öðlast þegar gildi. Jafnframt fellur úr gildi reglugerð nr. 456/1987 um Náttúruverndarþing.

Umhverfissráðuneytið, 18. september 1990.

Júlíus Sólnes.

Páll Línal.

GJALDSKRÁ

vegna starfsleyfis skyldra fyrirtækja samkvæmt reglugerð nr. 386/1989.

1. gr.

Gjöld fyrir vinnslu starfsleyfis og sérhæft eftirlit.

Hollustuvernd ríkisins skal innheimta gjöld vegna vinnslu starfsleyfa og sérhæfðs eftirlits með starfsleyfis skyldri starfsemi skv. greinum 3.6. og 8.2.1 í reglugerð nr. 386/1989, í samræmi við gjaldskrá þessa.

Atvinnurekstur sem upp er talinn í viðauka 7 í reglugerð nr. 386/1989 skal greiða gjald fyrir vinnslu starfsleyfis við veitingu starfsleyfis skv. 8. kafla reglugerðarinnar og árlegt gjald vegna sérhæfðs eftirlits skv. grein 3.5 í reglugerðinni, sem hér segir:

	Starfsleyfisvinnsla	Sérhæft eftirlit
1. flokkur	kr. 480 000	kr. 240 000
2. flokkur	kr. 85 000	kr. 60 000
3. flokkur	kr. 45 000	kr. 25 000
4. flokkur	kr. 12 000	kr. 10 000

2. gr.

Úttekt vegna starfsleyfisvinnslu.

Telji Hollustuvernd ríkisins eða umsagnaraðilar að upplýsingar um mengun og áhrif hennar á umhverfið skorti, má samkvæmt gr. 8.2.5. í reglugerð nr. 386/1989 setja sem skilyrði að fram fari úttekt, það er athuganir, mælingar eða rannsóknir á kostnað umsækjanda. Taki Hollustuvernd ríkisins þátt í að undirbúa, framkvæma eða hafa eftirlit með slíkri úttekt, það er athugunum, mælingum eða rannsóknum skv. þessari grein, skal umsækjandi greiða stofnuninni skv. gjaldskrá nr. 13/1990.

3. gr.

Forkönnun vegna staðarvals.

Samkvæmt gr. 8.2.6. í reglugerð nr. 386/1989 skal ef um er að ræða meiriháttar atvinnurekstur, t.d. þar sem fjárfesting er meiri en 600 milljónir króna miðað við byggingavísitölu 136, 1. apríl 1989, gera forkönnun vegna staðarvals, þar sem fram fari mat á umhverfissröskun vegna starfseminnar. Sama gildir, ef á takmörkuðu svæði á sér stað mikil uppbygging smærri fyrirtækja og Hollustuvernd ríkisins telur, að hætta sé á röskun lífríkis, eða óviðunandi mikilli mengun loftslags og lagar. Einnig skal, áður en starfsemin hefst, þegar fjárfesting í atvinnurekstri er meiri en 600 milljónir króna miðað við byggingavísitölu 136 til samanburðar við síðara ástand, framkvæma nauðsynlegar rannsóknir og mælingar á þeim umhverfispáttum sem helst verða fyrir áhrifum af starfseminni. Rannsóknir og mat á umhverfissröskun fara fram á kostnað umsækjanda.

Taki Hollustuvernd ríkisins þátt í að undirbúa, framkvæma eða hafa eftirlit með forkönnun skv. þessari grein, skal umsækjandi greiða stofnuninni skv. gjaldskrá, er um ræðir í 2. gr.

4. gr.

Breyting á starfsleyfi.

Fyrir breytingu á starfsleyfi, sérstakar athuganir og aðra sérfræðipjónustu skal greiða skv. gjaldskrá nr. 13/1990.

5. gr.

Úttekt vegna umhverfisvandamála.

Gefi eftirlit til kynna að um veruleg umhverfisvandamál sé að ræða, getur eftirlitsaðili krafist úttektar á kostnað hlutaðeigandi aðila, samkvæmt reglugerð nr. 386/1989 gr. 3.6. Ágreiningi um nauðsyn slíkrar úttektar og/eða um kostnað má vísa til ráðherra eigi Hollustuvernd ríkisins hlut að máli.

Annist Hollustuvernd ríkisins úttektina skal greitt fyrir hana skv. gjaldskrá skv. 2. gr.

6. gr.

Ferða- og uppihaldskostnaður.

Auk gjalds skv. 1. gr. er heimilt að innheimta gjald fyrir ferða- og uppihaldskostnað vegna vinnslu starfsleyfis og sérhæfðs eftirlits.

7. gr.

Innheimta.

Hollustuvernd ríkisins innheimtir gjöld samkvæmt gjaldskrá þessari. Umsækjanda ber að greiða starfsleyfisgjald, skv. 1. gr., áður en hann fær starfsleyfi afhent.

Gjaldddagi eftirlitsgjalda er 1. apríl og eindagi 1. maí. Heimilt er að innheimta dráttarvexti sé gjald ekki greitt á eindaga.

Fyrir árið 1990 er gjaldddagi eftirlitsgjalda 1. október og eindagi 1. nóvember. Um innheimtu fer að öðru leyti samkvæmt lögum nr. 81/1988 um hollustuhætti og heilbrigðiseftirlit.

8. gr.

Frávik frá gjaldskrá.

Fari sérhæft eftirlit ekki fram samkvæmt því sem segir í lið 3.5.2 í reglugerð 386/1989 fellur gjaldtaka niður frá og með þeim tíma sem eftirlitið skyldi fara fram og til þess tíma er það hefst.

9. gr.

Gildistaka.

Gjaldskrá þessi er sett skv. 17. gr. laga nr. 81/1988 um hollustuhætti og heilbrigðiseftirlit og öðlast gildi þegar í stað. Jafnframt fellur þá úr gildi gjaldskrá nr. 216/1989.

Umhverfisráðuneytið, 19. september 1990.

Júlíus Sólnes.

Kristinn Sv. Helgason.